

DISSERTATIO MEDICA

INAUGURALIS,

DE

Ventriculi Inflammatione :

QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,

ACADEMIAE EDINBURGENAE PRAEFECTI,

NEC NON

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

JACOBUS BUCKHAM, SCOTO-BRITANNUS.

Ad diem 16 Junii, hora locoque solitis.

EDINBURGI:

Apud HAMILTON, BALFOUR, & NEILL,

ACADEMIAE TYPOGRAPHOS.

M,DCC,LVIII.

DISSEMINATED TO THE PUBLIC

IN THE YEAR 1911

BY THE

Technical Information

U. S. DEPARTMENT OF COMMERCE

IN THE

DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

U. S. DEPARTMENT OF COMMERCE

70-7555
VIRO INTEGERRIMO,

MEDICOQUE PERITISSIMO,

JOANNI RUTHERFOORD,

MEDICINÆ THEORET. ET PRACT.

IN ALMA ACADEMIA EDINENSI

PROFESSORI CELEBERRIMO,

PATRONO SUO PLURIMUM COLENDO,

OB INSIGNEM, QUAM EUM SEMPER ACCEPIT,

BENEVOLENTIAM,

HANC DISSERTATIONEM,

PRIMOS SUOS IN ARTE MEDICA CONATUS,

GRATO ANIMO OFFERT:

JACOBUS RICKHAM

GULIELMO OLIVER

DE DINLABYRE,

ARMIGERO,

COGNATO SUO SOCIOQUE CONJUNCTISSIMO,

MORUM PROBITATE,

MENTISQUE INDOLE INGENUA ET AMICA,

PERQUAM EXIMIO,

D. D. C. Q.

JACOBUS BUCKHAM.

DISSERTATIO MEDICA

INAUGURALIS,

D'E

Ventriculi Inflammatione.

QUICUNQUE concinnam et admirabilem corporis humani structuram attento contempletur animo, quin arte Divina fabricatum sit, dubitare nequit. Inter alia, ad hanc rem probandam, argumenta, ex ipsius natura corporis petita, vix fortius adduci potest, quàm exquisita illa sympathia, concordia, et in eundem finem conspiratio partium, quae in universa corporis compage clarè undequaque conspicitur.

Nulla verò in toto corpore pars est, quae tam conspicuam ac intimam, cum omnibus et singulis nervosis ejus organis et locis, harmoniam ac sympathiam alat, quàm ipse Ventriculus: adeo ut si ulla pars, quae sensu acuto gaudet, etiàm longius dissita, praeter naturam afficiatur aut laedatur, sta-

tim

tim etiam ventriculus inde luat et compatiatur. Et attenta observatione constat ventriculo aegrotante, vel quacunque de causa malè se habente, protinus inde universum systema nervosum ut plurimum offendi.

Quo, procul dubio, inductus fuit HELMONTIUS, ut ARCHÆUM animatum in ventriculo habitare putaverit.

Quàm fragilem et caducam, quàmque multis et diversis malis obnoxiam esse totam hanc machinam exquisitam, quotidiana experientia fatis superque demonstrat.

Prae omnibus autem aliis corporis partibus, ventriculus ipse, princeps illa reliquarum partium et viscerum officina, plurimis et saevissimis vexatur morbis.

Inter omnia vero mala, quae hoc nobile viscus infestant, vix accidit ullum, magis metuendum, aegro difficiliùs tolerandum, vel fortè majori cum cura medico tractandum, quam ejus inflammatio : de qua hîc verba facturus sum. Prius autem quàm morbum aggredior, haud abs re erit, de hujus visceris situ atque structura, quaedam breviter proferre.

Ventriculus est viscus illud capax membranosum, partim in hypochondrio sinistro, partim in epigastrio, sub diaphragmate suspensum, ingestis ex oesophago recipiendis dicatum. Situs ejus semper transversus est, et appendix ensiformis sedi ferè mediae ventriculi respondet*.

Maxima ejus capacitas est in latere sinistro; procedendo autem versùs dextrum, sensim angustior evadit; ac quoad totius figuram, haud malè ab anatomicis utriculae lusoriae comparatur, praesertim si cum oesophago et duodeno annexis consideretur.

Orificia duo habet ventriculus, superius sive sinistrum, et inferius sive dextrum. Utrumque fibris circularibus, sphincteris instar, quarum ope claudatur, munitur. Horum sinistrum constanter ad punctum se contrahit, ne cibus vel potus in ventriculum semel receptus, in os iterum regurgitet; tempore tantum deglutiendi, vomendi et eructandi, aperitur.

Fibrae annulares dextri orificii, quod etiam *pylori* nomine gaudet, non ita constanter contrahuntur, neque se ad punctum constringunt; tantum, durante digestionem, eo usque abbreviantur, ut nihil solidum descendere, at liquida solummodo,

* Vid. Haller. Prim. Lin. Phys. cap. xxiii.

do, permittant *. Aperitur autem per ventriculi contractionem, et chymi advenientis appulsum.

Substantia ventriculi ex quatuor tunicis et tribus telis cellulosis intertextis conflari videtur.

Tunica prima et extima est illa laevis membrana, a peritoneo, ubi ventriculus diaphragmati adnectitur, mutuata, per totum ejus ambitum continuata; ad robur itaque et firmitatem subjectarum tunicarum, haud parum conducit.

Sequitur tunica secunda, *musculosa* vel *carnosa* dicta, quae caeteris multò crassior et fortior est; ad motum itaque peristalticum ventriculi perficiendum, praecipuè constructa videtur. Haec tunica, mediante tela cellulosa, extimae adnectitur.

Tunicae huic musculosae subjacet *nervosa* vel *vasculosa* dicta, quae texturâ intricatissimâ reticulari arteriarum, venarum nervorumque, constat; tunicae musculosae cohaeret, interposita altera tela cellulosa; glandulis et ductibus excretoriis ferè innumeris scatet, qui quartam vel intimam tunicam perforant, et patulis osculis in ventriculi cavitate lympham et mucum exhalant.

Sequitur, denique, quarta et intima, *villosa* dicta, quae ope telae cellulosae, tunicae vasculosae adhaeret. Haec innumeris foraminulis, ductuum excretorio-

rum

* Vid. Glisson. de Ventric. &c. cap. 2.

rum emissariolis respondentibus, perforatur. Celeberrimus MONRO existimat, hanc tunicam villosam esse epidermidis continuationem, quae non solum per fauces, oesophagum, ventriculum, totumque tubum intestinale exporrigitur; sed etiam per omnia corporis vasa continuari videtur*. Est reliquis membranis ventriculi amplior, mollis atque elatere destituta; vacuo ergo ventriculo, in multas rugas sive plicas agitur. Inserviunt hae plicae contenta ventriculi remorare, ne ante debitam digestionem ad exitum festinarent.

Ventriculus multas habet arterias, ex diversis truncis derivatas: harum autem omnium communis mater caeliaca est†. Hae omnes per ventriculi substantiam distribuuntur, et infinitis anastomosibus sibi invicem conjunguntur.

Sanguis ex arteriis receptus, per venas ubique ferè arteriis respondentes revehitur, atque in truncum venae portarum, vel in aliquos ejus ramos, effunditur: Quaedam ejus venarum cum venae sine pari ramis inosculantur‡.

Ventriculus plurimis ornatur nervis, qui a pari vago proveniunt, circa orificium superius insignem

* Med. Essays, vol. 4. art. xi.

† Haller. Prim. Lin. Phys. p. 403.

(‡ Haller. Prim. Lin. Phys. p. 405.

6 DISSERTATIO

insignem formant plexum, et exinde per totum viscus locupletissimè distribuuntur; huic etiam nervos impertit intercostalis; qui a plexu hepatico proveniunt, partibus ventriculi inferioribus impenduntur*.

Variis viciniis in sua sede stabilitur ventriculus; superiori enim orificio continuatur gulae, eaque mediante, firmiter diaphragmati adnascitur, inferiori unitur duodeno; hepar a dextris ei magna ex parte incumbit; a sinistris lien attingit; secundum totam longitudinem adhaeret omentum; posteriori parte subjacet pancreas; colon intestinum ejus fundum tangit.

Si igitur de hujus visceris situ, structura vasculosa, et sensilitate qua gaudet acutissima, de injuriis etiam ei ab ingestis quotidie illatis, nobiscum reputemus, mirum equidem apparebit, id non saepius inflammari; et procul dubio longè frequentius, praesertim apud vulgus et rusticos incautos, occurrit, quam quidem creditur; licet praesens saepe ignoretur, vel alterius morbi titulo tractetur, funestissimo certè cum eventu.

Celeberrimus HOFFMANNUS, de hoc morbo agens, dicit, “Inflammatio ventriculi, ut affectus
“est periculosissimus, ita et communissimus, qui
“plurimos

* Winslow, vol. 2. sect. 78.

“ plurimos opprimit atque praecipitat ; ergo mi-
“ randum est, quod a practicis parum omnino ob-
“ servetur ; et quod magis mirum videtur, illorum
“ libri vel planè de hoc silent, vel negligentius
“ curant. Si tamen in praxi diligentius attende-
“ ris, frequentissime deprehenditur *.”

Priusquam in hujus morbi dira symptomata in-
quiramus, haud abs re erit de causis ejus quaedam
memorare ; et primò de causa proxima agendum
est.

Causa proxima ventriculi, sicuti partium alia-
rum, inflammationis, semper est tanta sanguinis
globulorum rubrorum in arteriis minimis accumu-
lacio, ut dolorem, tumorem, calorem, febrem, et
alia consueta inflammationis signa producat.

Haec liquidi accumulatio oriri potest, vel vaso-
rum, vel sanguinis, vel utriusque conspirantis vitio.
Facile enim patet, eundem effectum sequi de-
bere, five vasorum minuatur capacitas, fluidis non
mutatis, five manente eadem vasorum amplitudine,
liquida fiant minus meabilia.

Ex sanguinis vitio producit obstructio, quoties
is vel quantitate vel qualitate peccat : si enim nimia
adfuerit ejus copia, vasa debiliora nimium disten-
dit, et vicina comprimit, inde impeditur circulatio ;

hinc

* Hoffm. op. vol. 6. p. 223.

hinc a medicis observatur, quod juvenes et plethorici huic morbo magis opportuni sunt, quam senes atque minus sanguinolenti.

Si autem nimis crassus aut viscosus fuerit sanguis, molecule ejus in vasorum angustias adactae, sine obstructione transire non possunt.

Vasorum vitio producit obstructionem, ab omni causa qua arctiora et angustiora reddantur, quae multiplex esse poterit; saepissime autem a nimium vehementi fibrillarum nervearum spastica stricture, quae canaliculos capillares plus justo angustat atque coarctat*.

Denique, ab errore loci, idem producit effectus, quando scil. globuli sanguinis rubri in dilatata orificia vasorum lateralium feroforum impetuose impelluntur, nec per horum fines angustissimos transire potentes, nec motu retrogrado redire, in vasorum angustis incarcerati haerent, et vasa obstruunt; sanguis autem adhuc, actione cordis et arteriarum per febrem aucta, in vasa obstructa magna vi pulsus, eorum latera distendit, vicina comprimit, et inde sensim obstructions augentur, donec tota pars tumida, distenta et rubra devenit; et hoc modo, ex sententia celeberrimi BOERHAAVII, oritur inflammatio.

Sed

* Vid. Hoffm. op. vol. 2. p. 121.

Sed inflammatio, majore cum veritate, debetur oscillatoriis contractionibus minimorum vasculorum auctis, quae vasorum distentionem, unà cum inflammatione, imò sine obstructione praegressa, facile producere possunt; et hic motus oscillatorius stimulo vasis applicato semper debetur; parum itaque refert, utrum pendet hic stimulus ab obstructione aliqua, vasorum fibras distrahente, sive materia acri eorum nervos irritante. Haec doctrina luculentissime demonstratur a clarissimo et eruditissimo hujus Academiae Professore *.

His, de inflammatione in genere, sive causa ejus proxima, praemissis, ad causas remotiores memorandas, proxime progrediendum est.

Licet generalis inflammationis causae remotae pene innumerae recenseantur, quae fere omnes et hic locum habere possunt; sufficiat tamen eas tantum quam brevissime enumerare, quae hunc morbum in ventriculo frequentius excitare solent. Hae, quamvis variae quidem et diversae, a triplice tamen fonte omnes deduci queant; scil. ab ingestis; a materia mor-

B

bosa

* Vid. Whytt's Physiolog. Essays, p. 66.

bosa jam in corpore nata ; vel, denique, ab animi vehementiori pathemate.

Sub prima classe, continentur omnia illa nocentia, quae in ventriculum, sive potus, cibi, condimenti, medicamenti vel veneni titulo, ingeruntur. Satis quidem compertum habemus, quòd ventriculus humanus acriora multa, quae etiam inter deglutendum fauces fere excoriant et inflammant, sine magno incommodo ferre queat. Et si consideremus ea quae condimenti titulo assumuntur, inter haec inveniemus talia, quae cuti externae applicata, illam rodunt et inflammant ; uti acerri-
ma aromata ; allium ; raphanus rusticanus, et similia ; unde mirandum est, non saepius ab his inflammari ventriculum, maxime quando liberius assumuntur : et procul dubio, frequentius haec nocerent, nisi mucus blandus hujus visceris latera defenderet, et fitis ab his assumptis excitata copiam aquosi potus posceret, quo diluitur et enervatur horum acrimonia. Attamen et alia sunt, in quibus tanta acrimonia sensibus nostris nequaquam detegitur, quae tamen tali latente stimulo gaudent, ut tunicas ventriculi validissime vellicent atque stimulent, adeoque vel spasmos violentos excitando, vel vasculorum motum oscillatorium nimi-

um augendo, inflammationem facillime inducunt. Hujusmodi sunt venena quaedam, è vegetabili, praesertim è regno minerali petita, et imprimis damnosum ipsum arsenicum, de cujus infelici effectu plures historiae a practicis commemorantur.

Omnia etiam acria emetica et purgantia, liquores acres fermentantes, corpora dura et aspera deglutita, et infinita fere similia, inflammationem inducere possunt. Omnium autem forte frequentissima hujus mali causa est potus gelidus, intemperantiùs ingestus, aestuante prius a laboribus corpore, et sanguine in vascula minima et angustissima impetuose adacto: directe enim in ventriculum detruditur iste potus gelidus, adeoque nocivos ibi imprimis exerit effectus; vascula enim subito constringit, humores coagulat; duplice itaque ratione pessimas producit obstructions.

Metastasis vel retropulsio materiae alicujus morbosae, prius in toto vel aliqua corporis parte hospitantis, et exinde, quacunque de causa, in ventriculum delatae, saepe inflammationem ibi excitat. Fidelissimus HOFFMANNUS affirmat, quod ventriculi inflammatione pereunt, qui variolis, morbilis, purpuris, erysipelate et podagra retropulsis decedunt, in quibus materia morbosa ad nervosas ventriculi

ventriculi membranas relapsa, spasmum et constrictionem vehementiorem vasculorum inducit*.

Et in alio loco, haec habet verba: “Ego
 “certe plena testari possum fide, quod omnes,
 “quos ex febre quadam acuta obiisse novi, ex inflammatione
 “ventriculi, intestinorum, vel meningum
 “superveniente, decessisseprehenderim:
 “idque non solum ex symptomatibus dijudicavi,
 “sed ex dissectionibus, quas administravi, et de
 “quibus alii fidem mihi fecerunt, compertum
 “habui.”

Non defunt exempla hominum, qui, post vehementem iram, hoc morbo correpti fuerunt. “Ipse
 “se saepius ex ira, inflammationem ventriculi ob-
 “servavit.”

D I A G N O S I S.

Hicce morbus difficile admodum ab aliis quibusdam ventriculi affectionibus, ac vicinarum partium inflammatione, distingui potest, quoniam secum multa habent signa communia: haec autem sequentia

* Hoffm. op. vol. 2. p. 121.

† Idem, vol. 6. p. 223.

quentia clarius demonstrant inflammationem ventriculi adesse, scilicet

Dolor acutissimus fixus in ipsa ventriculi regione; calor etiam in hoc loco intensus; sitis fere inextinguibilis; vomitus dolentissimus, et singultus; doloris et vomitus exacerbatio, ipso momento, quo aliquid cibi, potus vel medicamenti ingeritur, vel aer ructu è ventriculo expellitur; saepe circumscripta ibi regio tactu quodammodo durior pleniorque percipitur; doletque quando manu externè comprimitur; pulsus subdurus, contractus, parvus et frequens; his accedit anxietas summa et perpetua circa praecordia, cum spirandi angustia, quae sensim sensimque, si perstiterit morbus, in suffocationem usque augetur; corporis jactatio et inquietudo; sequitur tandem cordis palpitatio, cum pulsu admodum debili et intermittente; extremorum frigiditas; animi deliquium; et, denique, mors ipsa ultimam tragoediam claudit.

Ad medelam autem tutò et feliciter instituentdam, nihil aequè conferre videtur, ac morborum symptomata atque peculiarem indolem probè dignoscere: et unicuique certè apparet hujus aphorismi veritas, *Qui bene cognoscat, idem quoque bene curet.*

Quare,

Quare, cum unus morbus alterum, tam invasionis modo, quam symptomatum plurimorum similitudine, tam exactè saepius referat, ut primo statim intuitu, vix alius ab alio exquisitè possit discerni; prudentis ergo medici est, toto adesse animo, ut talem morbum ab omnibus aliis, praesertim ab iis qui similibus gaudent symptomatibus, accuratissime distingueret.

Operae ergo pretium videtur, ut pauca hîc, ex practicorum observationibus, adjiciamus, quibus hicce morbus, ab aliis quae in ventriculum cadunt passionibus, accuratius distingui possit.

Primò, In dolore cardialgico*, pariter adest magna circa praecordia anxietas, dolor acutus, extremorum aliquando refrigeratio, assiduus ad vomendum conatus, corporisque inquietudo; sed in ventriculi regione ardor non tam impensus, nec tanta sitis, neque pulsus tam celer et contractus; melius quoque ferri possunt ingesta, sive alimenta sive medicamenta, sine symptomatum exacerbatione, quam in ventriculo inflammato.

Secundò, Ventriculus etiam flatibus distentus, et per omnem ambitum fortiter expansus, summas praecordiorum anxietates, et spirandi, ad suffocationem ferè usque, angustiam efficit; atque inferior

ejus

* Vid. Hoffm. op. vol. 2. p. 121.

ejus pars, instar vesicae turgidae, tactui sese offert, et dolor quidem ingens eodem loco percipitur; quando autem ructus superveniunt, quibus aerii exitus conceditur, statim doloris et anxietatis sensus magnopere lenitur; neque in hoc casu adest febris; ventriculus quoque facilius ferre potest ingesta, ac si aderit inflammatio.

Tertiò, Distinguitur etiam ventriculi inflammatio, ab inflammatione hepatis, et quidem concavae ejus partis, qua ventriculus a dextro tegitur, non solum vehementia omnium symptomatum, sed etiam quod dolor in hepatitide ad latus magis dextrum et spurias costas vergit; neque ab assumptis dolor et anxietas adeo increscunt, ut ventriculo inflammato accidit*.

A paraphrenitide, denique, difficillime distinguitur; quia dolor acutissimus ibi ventriculi situ inest, et febris, et sitis, et reliquarum notarum plurimae, ut proinde experientissimus medicus fallatur. In paraphrenitide verò dolor maxime augeatur in inspiratione, tussi et sternutatione, et compressu abdominis, in alvo vel urina reddendis†. Sed liquida blanda tutò ingeri possunt, sine doloris augmento,

* Vid. Hoffm. vol. 3. cap. 3.

† Vid. Boerh. Aph. § 909.

augmento, dummodo ab his non multum gravetur
vel distendatur ventriculus.

RATIO SYMPTOMATUM.

Dolor acutissimus, fixus, &c.] Dolor omnem
quamcunque inflammationem, plus minus, pro ra-
tione partis sensilitatis quam occupat, semper comi-
tatur; oritur a distentione et distractione vasculo-
rum minimorum, atque impetu sanguinis a tergo in
vasa obstructa et jam nimium distenta irruentis :
Fibrillas autem nervosas per omne ventriculi pun-
ctum copiosissime distributas, multum inde distrahi
necesse est; unde acutus admodum excitatur dolor,
qui magis majisque augetur, ob perpetuum motum
et conquassationem, cui pars affecta inter respiran-
dum subjicitur; ventriculus enim, uti notavit clar.
HALLER, in plenissimo abdomine sub diaphrag-
mate positus est, cui superius firmè adnectitur, et
cum eo sursum atque deorsum validius pellitur;
partes igitur sibi vicinas urget, et ab iis vicissim
urgetur, eandemque compressionem pati videtur,
ac si eum valida vi manuum alterne homo com-
primeret †.

Inflammatur

* Vid. Haller. in Boerh. Inst. § 86.

Inflammatur os ventriculi majore cum dolore, ob ejus sensum acutiorem *.

Fixus manet dolor in ipso ventriculi loco, quia, scilicet, ibi haeret mali causa, nec locum commutat, sicut doloris causa in hystericis et hypochondriacis a flatibus orta.

Calor intensus circa praecordia.] Calor quoque perpetuus est inflammationis comes. Calor ventriculi in statu etiam sano notabilis est: "Nam-
"que illi cor incumbit, sola et tenui septi trans-
"versi crassitie distans; omentum et mesenterium
"utrinque foveat; in posteriore sede, arteria aor-
"ta ingens flumen vehit calidissimi sanguinis †." Hic calor in parte inflammata intensus evadit; quia sanguis per canaliculos constrictos majore celeritate fertur, horum motu oscillatorio, summum ob dolorem, magnopere aucto; partim etiam quia libero transitu per extrema vasorum obstructorum exclusus, ad ramos ampliores celerrimè regurgitat, iterumque cordis actione subito repellitur, ibique crebriorem facit quasi systolen et diastolen; unde magna accidit attritio mutuaque collisio; inde itaque augetur calor, qui eo sensibilior erit, quo sensu magis exquisito pars affecta potita sit.

C

Sitis

* Nicol. Piso, vol. 2. p. 46.

† Vid. Haller. in Boerh. Instit. § 88.

Sitis inextinguibilis.] Medicis et anatomicis notum est, quod in homine sano, tota cutis externae superficies, oris interni, oesophagi, ventriculi, &c. perspirabilis est, et tenuissimum liquidum, per extrema vasculorum exhalantium oscula expulsum, omnia perpetuo humectat atque madefacit. Ubi ergo illud deficit, vel quacunque de causa per haec vascula non debitâ copiâ transfluit, semper siccitas adesse debet; in hoc autem morbo, ubi maximus calor adest, diffilatur brevi omne liquidum, et oscula horum vasculorum quasi exarescunt; sitis itaque maxima et prorsus intolerabilis evadit; quia miserimus aeger, licet siti fere enectus, faucibusque lingua adhaerescat, liquidi tamen quantum sufficit ad sitim restinguendam ingurgitare nequit, quin ipso momento, cum dolore cruciante, vomitus excitetur.

Vomitus dolentissimus, et singultus, &c.] Ex nervosa ventriculi structura jam breviter explicata, patet, eum valde irritabilem esse; imo ab experimentis anatomicis constat, quod ejus vel extrema superficiei rudius attacta, vel cultelli apice puncta, in mortuo jam animali, perspicue convellatur*. In statu itaque inflammato, quoties ab ingestis irritatur, minime

* Vid. Wepfer de Cicut. Aquat. p. 89.

minime mirandum est si sequatur fibrarum ejus convulsio, et vomitus cum doloris exacerbatione.

Et observatu dignum est, quod illud signum pathognomicon dici potest, uti innuit clar. VAN SWIETEN *, dum scilicet ab ingestis, etiam parvâ copiâ, quæ caeteroquin facile fert ventriculus, exacerbatur dolor. Si enim in vicinis ventriculo partibus hæserit inflammatio, non ilico sentiri debet doloris exacerbatio, dummodo parum simul in ventriculum ingeratur. Quando autem ipse ventriculus inflammatur, statim sequi solet vomitus, dum pars inflammata ita convellitur, ac diaphragmate musculisque abdominalibus simul agentibus, quasi intra prelum validissime comprimitur.

Adest sæpe singultus, qui subita est convulsio oesophagi, diaphragma et ventriculum sursum trahens, dum simul diaphragma subito deorsum convellitur. Maxime frequens est singultus, quando os ventriculi inflammatur, in quo casu, a levissimo stimulo applicato convelli debet.

Quandoque circumscripta ibi regio tactu durior, &c.] Hoc signum non solum a tunicis ventriculi sanguine congesto tumefactis, pendet, sed sæpe ab aere elastico in ventriculi cavitate contento,

* Vid. comment. in Boerh. Aph. §. 951.

tento, ejusque latera fortiter distendente, dum simul utrumque orificium spasmodice constringitur; vesicae itaque turgi daeinstar, tactui sese offert, et dolet quando manu externe comprimitur, vel aer ructu expellitur.

Pulsus subdurus, contractus, parvus et frequens.] Medicis practicis observatur, quod in omnibus ventriculi vel intestinorum inflammationibus, pulsus nunquam plenus percipitur, sed potius utcunque durus, contractus, parvus et frequens. Pulsus durus et contractus, pendet a corde et simul universa nervorum systemate, ob vehementem dolorem et nauseam, spasmodice affectis, quo minus patiantur sese tantum, ac in sanitate, dilatari. Velocitas pulsus ab eadem causa pendet, scilicet aucta irritabilitate cordis et arteriarum, qua solito citius, sanguine irruente, in contractionem excitantur. Eandem ob causam redditur parvus, quia parva tantum sanguinis copia simul et semel e corde sinistro in arterias expellitur.

Anxietas summa et spirandi angustia, &c.] Respiratio facilis et placida pendet a circulatione sanguinis libera per vasa pulmonalia; quodcunque ergo hanc obstruit, illam difficiliorem reddit. Verisimile autem videtur, quod in hoc morbo dolentissimo, vasa pulmonalia spasmis violentissimis afficiuntur,

afficiuntur, ob arctam istam sympathiam, quae inter ventriculum et pulmones clare conspicitur. Nervi enim pneumonici, et qui ad ventriculum abeunt, ab eodem pari vago, parvo tantum spatio interjecto, proveniunt; vix itaque altera pars malè affici potest, quin alteram in consensum trahat. Quid enim crebrius occurrit, quàm quod a tussi violenta, vitio in bronchiis haerente, vomitus concitetur, et vice versa?

Restat adhuc alia causa, ni fallor, scilicet dolor iste intolerabilis circa praecordia, quo thoracis et diaphragmatis motus multum angustatur, sanguinis itaque per pulmones circuitus impeditur. Hinc nimia liquidi copia in arteria pulmonali, corde dextro, sinu venoso, &c. accumulatur, inde magni istius ponderis oritur sensus.

Haec anxietas, si diu perstiterit, obstructions pessimas in extremis pulmonum vasculis faciet, quae singulis horis augeri debent, donec miserimus aeger, quasi peripneumonia tristi, cito è medio tollitur.

Hic observare licet, quod dirae totius corporis saepe superveniunt convulsiones, quibus aegri subito extinguitur vita.

Corporis jactatio.] Cum aeger requiem invenire nequeat, ob ingratum illum et molestissimum

simum suffocationis ac doloris sensum, quo maxime periclitantur organa vitalia, diu in eodem situ corpus retinere non potest, sed e latere in latus perpetuo volvit atque revolvit, ut situm tandem inveniatur, quo hunc doloris et ponderis effugiat sensum.

Cordis palpitatio cum pulsu debili et intermitte[n]te.] Quo diutius progreditur morbus, eo graviora evadunt symptomata.

Pulmonibus jam sanguine gravatis, atque circulatione per horum vascula multum exinde impedita, cor dextrum sanguine a tergo irruente, nunc plurimum distentum atque distractum, valida vi sese contrahendo, contenta evacuare nititur, sed una vice resistantiam superare nequit, ictibus itaque repetitis perficere conatur; hinc celerius se contrahit et palpitat.

Ob hanc pulmonum resistantiam, parva tantum sanguinis copia in cor sinistrum immissa est, quae primam cordis contractione, in arteriam aortam expellitur, sed arteriis majoribus dilatandis parum sufficit, inde pulsus debilis sentitur.

Quando cor dextrum resistantiam jam natam subito superare nequit, quasi defatigatum, paulisper agere cessat, donec iterum sanguine irruente turgidum devenit, tunc vehementer se-

ipsum

ipsum contrahit, et vi transitum aperit, qui brevi tempore manet, denuoque obstruitur; inde fortè, in hoc casu, oritur pulsus inaequalis et intermittens.

Extremorum frigiditas.] Quando cor in extrema vasa sanguinem propellere nequit, deficit ibi circulatio, cessat itaque attritus et collisio, unde pendere videtur calor noster vitalis; frigesce ergo incipiunt partes extremæ.

Animi deliquium, et mors.] Quoniam nunc vasa plurima in extremis et partibus externis, vel omnino obferuntur, vel superveniente frigore multum constringuntur, liquores exinde majori copia ad interiora propulsi, circa præcordia accumulantur, minori copiâ ad cerebrum receptâ, liquidum nervosum solito parcius secernitur, quam ob causam, cordis actio sensim minuitur ac debilitatur, et nonnunquam omnino sistitur; in animi deliquium ergo incidit aeger.

His denique malis semper ingravescentibus, tandem omnino cessat omnis motus vitalis, atque miserrimus aeger inevitabili fato animam suam exhalat.

PROGNOSIS.

PROGNOSIS.

Cum hicce morbus cursum suum rapidissime absolvat, dirisque symptomatibus stipetur, aeger ut plurimum in summo versatur periculo.

Observat celeberrimus Boerhaavius, quod
 “ brevi plerumque lethalis fit, nisi subito curetur,
 “ ob laesam necessariam functionem, et infinitos
 “ nervos connexos *.”

“ Hoc peculiare habet ventriculi inflam-
 “ matio, quod, convulsionibus ortis, subito saepe
 “ mortem inferat; quia nervosissima ventri-
 “ culi substantia, inflammatione irritata et
 “ dolens, totum corpus miris modis turbare po-
 “ test, et imprimis functiones cerebri laedere †;
 “ quod GALENUS optime notavit, dicens, “ Ven-
 “ triculus capiti, et caput ventriculo, suas af-
 “ fectiones transmittit, propter nervorum ab en-
 “ cephalo ad os ventriculi descendentium magnitu-
 “ dinem, per quos etiam sensus huic parti, quam
 “ ulli reliquarum corporis partium, acutior est ‡.”

Quando

* Vid. Boerh. aph. §. 952.

† Vid. Van. Swiet. comment. in Boerh. aph. §. 953.

‡ Vid. Galen. de locis affectis lib. 3, cap. 9.

Quando itaque os ventriculi occupat inflammatio, periculosissima aestimatur, et, ut Forestus ait, "Jovis filii dicendi sunt, qui evaserint."

Omniū deterrima illa est inflammatio, quae senibus, infirmis, scorbuticis, et diuturno moerore confectis, item quae in fine morborum acutorum accidit *.

Si a venenis assumptis oritur, nisi in initio morbi è corpore eliminentur vel propriis remediis horum vires destruantur, pessima exinde sequuntur symptomata, citissime mortem inducentia, quorum multa apud auctores prostant exempla.

Si inflammatio magna sit, nec subito resoluta, semper metus est, ne in abscessum, gangraenam, scirrhum vel cancrum degeneret.

Si in abscessum abeat, pus vel in ventriculum internum, vel in cavum abdominis erumpit; in priore casu, pus ipsum, vel ore, vel alvo ejicitur, cum symptomatibus satis molestis, et periculo minimè vacuis; in posteriore vero casu, immedicabile malum evadit.

Si in gangraenam transeat, de aegro semper conclamatum est.

D

Si

* Vid. Hoffm. op. vol. 2. p. 121.

Si in scirrhum vel cancrum degeneret, medela admodum difficilis, vel potius nulla est.

Sed si inflammatio sit recens, nec magna, nec causis malignis orta, in juvenili sanoque corpore, spes sanandi magna affulget.

METHODUS MEDENDI.

Morbus hīc, cum ab inflammatione pendeat, consuetum inflammationis iter decurrere debet, et vel per resolutionem, suppurationem, gangraenam, scirrhum vel denique cancrum terminari. Resolutio vero perfectissima sanandi est methodus, semperque tentanda; quia vasa obstructa recludit et tumida componit, sine ulteriori noxa parti illata. Haec autem ut ex votis cedat, hae praecipue oriri videntur indicationes.

Primo, Sanguinis impetum in partem affectam minuere, quo ulterior vasculorum laesio impediatur.

Secundo, Materiae obstruenti fluiditatem conciliare, et vasa spasmodicè affecta relaxare.

Tertio, Ventriculum morbo debilitatum corroborare.

Primae indicationi, prae alio quovis remedio, respondet sanguinis missio, libera manu, ad animi usque deliquium, instituta, et quamdiu ferre possunt aegri vires, audacter pro re nata repetenda, donec pulsus mollior evadit. Observatu enim dignum est, quod venaesectio, in initio saltem morbi, largius, ad animi ferè deliquium, celebrata, plus valet ad tales morbos debellandos, quam eadem operatio decies postea, parciori manu instituta; uti peritissimus Medicus J. RUTHERFORD, Med. Theoret. et Pract. in hac Academia Professor, discipulos suos iterum iterumque monuit. Praeterea observandum, uti supra dictum est, quod in hoc morbo, pulsus nunquam plenus percipitur, sed potius parvus et contractus; et quo saevior morbus, eo plerumque debiliior pulsus; atque licet in morbi paroxysmis adeo debilis sit, ut vix tactu explorari possit; attamen venaesectio liberè instituta, sensim plenior molliorque evadit.

Ut vero confirmetur, et clarius elucescat haec doctrina, liceat mihi casum hujusmodi, satis quidem insignem, in Actis Medicorum Edinensium traditum, proferre.

† Juvenis

† Juvenis bonae temperiei, qui per totam fere vitam antea, integra valetudine fruebatur, media nocte e somno subito excitatur dolore acuto circa os ventriculi, qui statim adeo ingravescebat, ut vix subsistere potuerit; venaesectione autem instituta, sese a dolore liberum existimavit, paulo post vero, de mira quadam anxietate et respiratione difficili conquestus est. Vocatus in consilium medicus, pulsus invenit valde oppressum et saepe intermittentem, extrema frigida, respirationem ferè suffocatam, et ob dolorem acutum, et quasi urentem circa praecordia, vehementer exclamantem aegrum: Phlebotomiâ nunc liberâ manu institutâ, pulsus mollior aequabiliorque evasit, novus calor per totum corpus sese diffudit, dolor mitior et respiratio placida deveniebat. Horae autem dimidio nondum elapso, extrema iterum frigescere incipiebant, pulsus debilis erat et intermittens, anxietas major et dolor acutior quam antea; statim denuo post sanguinem missum, pro brevi temporis spatio, sese meliorem habere videbatur. Subito vero extrema frigida et instar cadaveris rigida deveniebant, pulsus nequaquam tactu percipiendus, vertigo summa sequebatur et caecitas,

† Vid. Med. Essays, vol. 1. art. xxix.

caecitas, delirium ferox, ardoris interni intolerabilis sensus, convulsiones musculorum faciei, sitis immanis et simul horror summus, dum liquida alata videbat, ita ut hydrophobus fere videbatur; adeo difficile respirabat, ut omni horae momento, parum abfuit quin strangulatus esset; in eodem situ minimè requiescere potuit, sed potius furibundi instar, e lecto exsilire subinde tentabat, huc illucque membra jactitans; hoc tandem conflictu quasi prorsus defatigatus, in lecto ferè exanimis succubuit; eo tempore, ex plurium medicorum consensu, missus est sanguis, quo facto, ad se rediit et ferè sanus videbatur; aliquot vero post horas recurrebant omnia priora symptomata, quae post venaesectionem iterum institutam magnopere leniebantur, et pulsus mollis, plenus et tardus deveniebat, calor aequabilis cum leni sudore totum corpus invasit, sicque per noctem quievit; mane autem extrema iterum frigescere coeperunt, pulsus debilis, dolor acutus, &c. ad consuetum itaque remedium statim confugere coacti sunt; prius autem quàm sanguinis uncias quinque amiserat, in animi deliquium incidit aeger, cum levamine verò omnium symptomatum. Sequenti mane eadem mala de novo recurrebant, eademque methodo repulsa

pulsa fuerunt; vespere autem redibant, et sanguis vix ad uncias tres effluxerat, donec lipothymia correptus est; attamen mitiora reddebantur symptomata; multo verò mane duplici vi impetum redintegrabant, quo tempore, liberiores sanguinis jacturam sine animi deliquio sustinuit. Proximo die debilis admodum et exhaustus erat, saepiusque lipothymiis correptus, et mane sequente, omnia mala recidiva novam exigebant venaesectionem, quam melius ac antea passus est. Nunc pulsus plenior, mollior, tardiorque evadebat, et omnia quidem auspiciatò procedere videbantur; media vero nocte novum denique paroxysmum sustinuit; sed facile nunc venaesectio sine animi deliquio celebrata fuit, pulsus tandem ad statum naturalem redactus est, et hoc modo, post venaesectionem undecies repetitam, et sanguinem circiter uncias centum et sedecim amissum, septimo morbi die, e tantis malis incolumis evasit hicce juvenis.

Hic autem observandum est, quod in omnibus ventriculi inflammationibus, tam valida sanguinis missio nec necessaria est nec tuta; locum tantum obtinere videtur haec methodus, quando aeger habitu robusto et plethorico gaudet.

Si aeger, ob virium imbecillitatem, vel ob aliam quamcunque causam, sanguinis liberiores jacturam ferre nequeat, utendum est ligaturis vel cucurbitulis; sed epispastica, in hoc casu, optimos plerumque praestant effectus.

Ut secunda indicatio obtineatur, utatur aeger potu blandissimo, emolliente et antiphlogistico; hujusmodi sunt, decoct. alth. emuls. amygd. dulc. vel semin. papav. alb. cum pauxillo nitri, si ferre possit ventriculus. Conveniunt etiam ptisana hordeacea, aqua cum lacte, jusculum dilutum e pulli carne paratum, similiaque blandissima, quae parca tantum copia simul ingeri, et saepe repeti debeant. Saepissime autem accidit, quod etiam haec blandissima ferre nequeat ventriculus inflammatus sine vomitu excitato; in hoc casu, experientia compertum est, quod nihil pulchrius respondeat, quam ut aeger succum limonum aquâ dilutum subinde sorbillet, quo optime demulcetur et vomitus et sitis, ventriculo non gravato. In eundem finem laudant alii haustum salinum, Pharm. Paup. Edin. praescriptum.

Si autem causa cognita fuerit, quae acrimonia sua, rodendo, inflammationem fecisset, dentur simul opposita huic acrimoniae remedia.

Sollicitè

Solicite vero cavendum est ab omnibus aromaticis, calefacientibus, spirituosus, &c. quae apud vulgus, a vi flatus discutiente, adeo celebrantur, ut raro contingat medicum in his morbis vocari, antequam aegri copiam similium ingurgitaverint: Facile vero patet, quam immaniter malum augeri debeat, dum ventriculus inflammatus talibus irritatur. Hinc certe multi pereunt, qui forte servari potuissent.

Praeterea cavendum est a vomitu excitando; maxime enim fallit, in hoc morbo, regula ista falsa et periculosa, *Vomitus vomitu curatur.*

Sed si aeger perpetuo vexetur vomitu, a materia aliqua acri, vel veneno corrosivo assumpto, adhuc in ventriculo hospitante, eumque in contractiones violentas stimulante; rationi consentaneum videtur, in initio saltem morbi, hanc materiam nocivam e ventriculo expellere, non tamen per emetica fortiora, sed aquam tantum egelidam cum oleis blandis mixtam et largius potam.

Si autem inflammatio diutius jam duraverit, et haecce methodus sine majori periculo tentari nequeat,

queat, tunc a vomitu, quantum fieri possit, abstineat aeger; et remedia tantum demulcentia, oleosa; lac, scilicet, recens, cremor ipsius, oleum amygdalarum dulcium, et similia blanda propinanda sunt. Horum enim ea est virtus, ut caustica veneni spicula obtundant, involvant et quasi in vaginulis includant, et vasa praeterea jam nimis constricta emolliant atque relaxent.

Observatu dignum est, quod, quamvis aeger dolore prorsus intolerabili cruciatur, minime tamen tutum est opiata exhibere. Celeberrimus HOFFMANNUS haec habet verba: "Cavendum
"est in periculoso hoc affectu, ab omnibus anodynis, et praesertim quae opium ingreditur.
"Nam haec cum sudoriferis mixta, in principio
"quidem arcere possunt inflammationem, quam
"atroces dolores et spasmi minitantur: Verum si
"aderit inflammatio, et paulo diutius duraverit,
"perniciosissima sunt, et mortem, sphacelum
"inducendo, accelerant*." Si autem opiata, ad dolorem sopiendum, exhibere necesse videatur, medico sedulo cavendum est, ne per doloris cessationem deceptus sit; dum interim

E

maxima

* Vid. Hoffm, op. vol. 2. p. 121.

maxima vi saeviat inflammatio, quae citissime saepe in sphacelum praecipitatur.

Si morbus originem duxerit a materia morbosa e corporis superficie vel extremis retropulsa, conveniunt remedia blanda diaphoretica, pro re nata ingesta, et epispastica externè et partibus prius affectis applicata.

Cum denique non ab una, sed plurimis et diversis causis eriri possit hicce morbus, prudentis medici est, pro causae diversitate, ad eam removendam, medicationem dirigere, singulisque praesidia opponere congrua.

Quoniam in hoc diro morbo, miserrimus aeger fiti inexplibili, et calore circa ventriculum ardentissimo excruciat, nec tamen liquidi quantum sufficit in ventriculum ingurgitare audent; necesse itaque est per alias vias illud in corpus introducere: hunc scopum attingunt balnea, fomenta et epithemata ventriculi regioni applicata; imprimis autem clysmata saepius injecta, diuque retenta: Summum enim haec habent usum; eluuntur per haec faeces intestinis collectae, foveantur et relaxantur tunicae ventriculi inflammatae, foveantur etiam omnes partes inferiores; a superioribus

ribus itaque optima fit revulsio. Praeterea, diluentia et antiphlogistica haec clysmata in intestinis retenta, venarum meseraicarum osculis absorbentur, sicque sanguini permiscentur, ita ut dilutio et attenuatio ejusdem obtineatur. Ex molliissimis itaque parari debent, ne alvum nimis fortiter subducant. Sola aqua tepida cum lacte, vel eadem cum oxymelle et nitro commixta, scopum sat bene attingit.

In morbi descensu, haud abs re erit, parvam dosim decocti tamarindorum cum manna, vel ejusmodi lenioris cathartici exhibere, et pro re nata repetere.

Quoniam ex sanguine amisso vasa totius corporis, et imprimis ipsius ventriculi admodum debilitantur, restat tantum ut vires eorum reficiantur.

In hunc finem, per aliquot saltem dies, utatur aeger victu leniori, nutriente, sed penè jam elaborato, et facile digerendo, parum simul, sed repetitis vicibus ingerendo; ab omnibus autem quae cito acescunt, flatus generant, vel stimulo aliquo fortiori pollent, caute abstinendum.

Quando, denique, morbus penitus fugatur, et vires ventriculi quodammodo reficiuntur, remedia roborantia

roborantia, vina stomachica amara, cortex Peruvianus, cum leni exercitio, ad medelam perficiendam, pulcherrimè conducunt.

Si autem inflammatio methodo jam descripta resolvi nequeat, transit, ut supra dictum est, in abscessum, gangraenam, scirrhum vel cancerum; ad quorum medelam proxime progrediendum esset, nisi hoc vetarent angusti hujus dissertatiunculae limites.

F I N I S.

Med Hist

W4

E23

1758

B.1

